

minis quasi despectior, sed remunerabitur quasi liber in
ter homines : seruus autem Christi, quod dignitatis est
nomen.

C A P V T . I I I I .

Domi quod iustum est & æquum, seruis
præbete, scientes quod & uos dominum ha-
betis in cælis.) Ne domini temporales su-
perbia extollantur, præsumentes de domi-
natū, mitigat & cohabet animos illorum,
ut adh̄ita consideratione huīani generis
animaduertat autorem deum, non seruos & liberos, sed
omnes ingenuos condidisse. Sed hoc mundi iniuitate
factum est, ut dum alter alterius fines inuadit, tūc capti-
uos ducit ingenuos, unde & manu capti dicti sunt à uete
teribus, inde mancipia. Hic casus & conditio etiam nunc
apparet, ali⁹ redimuntur, ali⁹ remanent serui. Apud deum
autem hic seruus habetur, qui peccauerit. Deniq; pecca-
ti causa Cham seruus audiuit, cui sententiæ ueteres assen-
sere, ita ut definirent omnes prudentes esse liberos, stul-
tos omnes esse seruos : quia prudens abstinet à peccatis,
ut hic ingenuus sit qui recta sequitur : seruus autem, qui
per stultitiae imprudentiam subiicit se peccato. Unde &
Cham propter stulticiæ, quia risit nuditatem patris stul-
te, seruus est appellatus. Ostēdit ergo dominus, quia nō
ueri sunt domini, sed quasi per imaginē : corporū eī nō
animorum sunt domini. Solus enim domiuus & autor
rerum inuisibilis deus tam corporibus quam animis do-
minatur: ut hæc considerantes, iusta ab eis exigant serui
uitia, talia utiq; qualia & à se exigi uolunt à domino cō-
muni. Nam cum ipsi nō ut dignum est deo seruant, quē
non negant omnium potestatem habere, cuiusq; quotidiana dona per ministeria creaturæ humanis usibus ex-
hiberi: à paribus suis, non dicam fratribus, tam grauiā
exigunt seruitia, ut ferri nō possint, non potentes in ani-
mo, quia & ipsi uelint nolint serui sunt, & uiderint cuius
meriti. ¶ Orationi in state uigilantes in illa, orantes si-
mul & pro nobis, deus aperiat nobis ostium uerbi ad lo-
quendum

quendum mysterium Christi, propter quod etiā uinctus
 sum, ut manifestem illud prout oportet me loqui.) Iam
 prudentibus mysterium domini Christi in euitandis uī-
 tijs peccatorum orationi instandum ostendit, ut meri-
 tis crescant deficiētibus tentationibus aduersarij. Quos
 intantum dignos habet, ut iudicet eos etiam se posse pre-
 cibus adiuuare, ad adserendum audacter Euangelium,
 ad quod manifestandum legationem acceperat. ¶ In sa-
 pientia ambulate ad eos qui foris sunt, tempus redimen-
 tes. Sermo uester semper in sale gratia sit cōditus, ut sci-
 atis quomodo oporteat uos singulis respondere.) Quo-
 niam neesse est ambulare nos inter infideles, & collo-
 quia miscere causa cōuersationis mūdanæ, hoc est quod
 commonet, ut cum sapientia sit ipsa cōuersatio propter
 scandalum gentilium, ne occasionem accipiant per nos
 blasphemandi, & incitentur ad persequēdum. Quid em̄
 opus est loqui cū eo, quem scias intractabilem, & obsti-
 natæ mentis paratum ad contumeliam faciendam? Ideo
 hæc monet, ut oportuno & loco & tēpore, magistra mo-
 destia, religionis uerba promantur, aut si persona talis
 in medio est, quæ perstrepit, reticendum. Aliter enim cū
 potentibus mundi, aliter cum mediocribus, & aliter cum
 humilibus agendum est. Aliter iterum cum mansuetis,
 aliter cum iracudis, quibus cedi oportet, hoc est redime-
 re tempus. Cum enim insidianti dominicis uerbis, & fu-
 renti temporis audacia cedis, iniurias infestii temporis
 lucrifacis. Nam si caput, id est rex assentit, corpori est li-
 bertas loquendi uerba dei cum mansuetudine, ut prouo-
 centur ad bonum, perstrepentibus tamen & animosis ad
 conuictia semper cedendum. Vincis enim dum cedis.
 ¶ Quæ circa me sunt, omnia nota faciet uobis Tychicus
 dilectus frater, & fidelis minister, & conseruus in domi-
 no, quæ misi ad uos ad hoc ipsum, ut cognoscat quæ cir-
 ca uos sunt, & cōsoletur corda uestra cum Onesimo cha-
 rissimo & fideli fratre, qui est ex uobis: omnia quæ hic
 sunt, nota faciet uobis.) Ad hoc se dicit fratres misisse,
 ut inuicē sibi nota fierēt quæ agerētur ab inuicē. Quāuis
 superius

Superius dicat spiritu se præsentem apud eos, & uidere quæ agerent, internuncijs tamen opus est. **S**olicitor em̄ fiet quis quando uidet ad se uenire ad considerandā cōuersationē suā. Plus em̄ ueret, si speculetur se uideri quæ agat. Nam cū deus omnia uideat, & sciamus om̄ia illi nota esse, quia non tamen uidemus nos uideri ab eo, cōtraria facimus. **N** Salutat uos **A**rיסטarchus comes captiuitatis meæ, & Marcus consobrinus Barnabæ, de quo accepistis mandatū, ut si uenerit ad uos, excipiatis illū, & Iesus qui dicit iustus, qui sunt ex circuncisione. **N**i soli sunt adiutores mei in regno dei, qui mihi solatio fuerunt.) Hic Aristarchus bonæ cōuerstationis ac meriti uidetur, qui deuotione dominica particeps, & socius labore Apo stoli designatur. Marcum autē ut cōmendet quid sit non tacet, ut cum laudabilis uiri Barnabæ affinis addiscitur honorabilis habeatur. Addit & Iesum, quem iustum nomine uocari appellat. Quibus solis testimonium perhibet quia hi ex circuncisione adiutorio fuerunt ei, assentientes & participes sententiæ eius, ut iam circūcidi ulterius non debere prædicarent, ideo participes illos dicit suos in regno dei. Circuncidendum autem esse, & sabbata & neomenias seruandas prædicare, nō spiritale est, sed terrenū. **N** Salutat uos Epaphras, q̄ est ex uobis seruus Christi.) Chariorē illis facit epistolā, quando ei, qui ex ipsis est, testimonium reddit. Semper sollicitus pro uobis in orationibus ut sitis pfecti, & abunde expleti in omni uoluntate dei. Tam salutaria se illis exoptare testatur, ut illū qui ciuis illor̄ est, & affectu unanimitatis charissimus partipem suæ deuotionis in profectū eorū ostendat. **T**estimonium enim adhibeo illi, quia habet multū laborē pro uobis, & pro his qui Laodiceæ sunt & Hierapolis.) Ut sollicitos eos salutis suæ faciat, aliorū uigilātia quanta sit pro his ostendit. Sollicitor em̄ quis sit pudore, quando in causa sua alterum uiderit laborare. **S**a lutat uos Lucas medicus charissimus, & Demas.) Vere charissimus Apostolo fuit Lucas, quia oīa postponens, apostolos secutus est semper, qui & Euāgelium & Actus apostolorū

apostolorum scripsisse perhibetur. **(Salutate eos qui sunt Laodiceæ fratres, & Nympham, & domesticam eius Ecclesiam.)** Quoniam simili modo & pro his qui Laodiceæ sunt, sollicitus erat, in eorum epistola hos salutandos monet, Nympham chariorem existimâs, cuius & domum salutat. Nam enim deuota uidetur fuisse ut omnis domus eius signo titulata esset crucis. **(Ecce cum lecta fuerit apud uos hæc epistola, facite ut & Laodicensium Ecclesiae legatur, & Laodicensium uos legatis.)** Quia gene rales sunt institutiones Apostoli, & ad omnium profec etum scriptæ epistolæ, idcirco etiam Laodicensibus epistolam hanc legi præcepit, ut per hanc quid agendum si bi esset, addiscerent: & Colossenses ut eorum legerent iuxta sensum supradictum. **(Et dicte Archippo: Vide ministerium quod suscepisti in domino, ut illud impleas.)** Præpositum illorum per eosiplos commonet, ut sit sollicitus de salute ipsorum. Et quia plebis solius causa scribitur epistola, ideoque non ad rectorem ipsorum destinata est, sed ad Ecclesiam. Postem Epaphram, qui illos im buit, hic accepit regedam eorum Ecclesiam. **(Ipsa enim salutatio mea manu Pauli, memores estote vinculum meorum. Gratia uobiscum.)** Et confirmet epistolâ manus sua scriptam dicit, memorans ut in mente habeant exitus eius, quos patiebatur pro salute gentium, & tales se præberent, ut non ferrat ægre pati pro his iniurios.

DIVI AM-

BRO SII MEDOLANENSIS EPISCO-

pi commentarij in epistolam beati Pauli
ad Thessalonicenses.

PRAEFATIO.
Verhorum, id est Thessalonicensium exemplo alios exhortetur ad fidei incrementa, istos laudat eo, quod in accepta gratia permanentes, ad profec-